

Retningslinjer for sals- og skjenkeløyve i Os kommune for perioden 2016-2020

Innhald

Kap. 1	Innleiing
Kap. 2	Løyveperioden
Kap. 3	Retningslinjer for tildeling av skjenkeløyve
Kap. 4	Retningslinjer for tildeling av salsløyve
Kap. 5	Vilkår for alle løyver
Kap. 6	Kontroll med sals- og skjenkestader
Kap. 7	Brot på alkohollova- sanksjonar

Kap. 1 Innleiing

Os kommune sin alkoholpolitikk skal i perioden 2016-2020 byggja på Alkohollova sitt føremål om å avgrensa skader årsaka av alkoholbruk og å redusera bruken av alkohol.

Desse retningslinjene gjeld for alle søkjarar, og slik at løyve som vert overdrege eller vert fornya kan gjevast til same konsept og på same vilkår som tidlegare.

Retningslinjene skal vera rettleiande. Det skal nyttast skjøn ved tildeling av løyve.

Os kommune nyttar elektroniske skjema, og alle som får løyve skal vera kjende med Alkohollova og alle aktuelle kapitel i forskrift til Alkohollova.

Kap 2 Løyveperioden for sal og skjenking av alkohol

Kommunalt løyve til sal og skjenking av alkoholhaldig drikk gruppe 1, 2 og 3 vert gjeve etter§1-6 i alkohollova, eller dersom ikkje anna vert bestemt i lov eller forskrift frå kommunale eller statlege myndigheiter.

Kap 3 Retningslinjer for tildeling av skjenkeløyve

Os kommune har ikkje tak på skjenkeløyve. Ved tildeling av nye skjenkeløyve, skal søkjaren sørgja for at skjenkestaden er tilrettelagt med tilfredsstillande universell utforming.

Alkoholhaldig drikke med lågare alkoholinnhald enn 22 vol % (gruppe 1 og 2 - øl og vin)

Skjenkeløyve for alkoholhaldig drikke med lågare alkoholinnhald enn 22 volumprosent kan etter individuell vurdering gjevast til alle typar skjenkestader.

Ved tildeling av løyve skal det leggast vekt på om ei eventuell tildeling kan gjeva negative signal, særleg til ungdom. Ved tildeling av nye skjenkeløyve skal det leggast vekt på at dette ikkje skal gå utover alkoholfrie tiltak for ungdom som alt er etablert i same område.

Alkoholhaldig drikke med høgare alkoholinnhald enn 22 vol % (gruppe 3 - brennevin)

Skjenkeløyve for alkoholhaldig drikke med høgare alkoholinnhald 22 volumprosent kan gjevast til overnattingsstader, serveringsstader med matsservering og nattklubbar.

Skjenkestader som har løyve for alkoholhaldig drikke med lågare alkoholinnhald enn 22 volumprosent, kan få skjenkeløyve for alkoholhaldig drikke med høgare alkoholinnhald enn 22 volumprosent til slutta lag.

Uteservering

Løyve til uteservering/skjenking gjeld heile året på godkjent og fysisk avgrensa område, slik det skal gå fram av søknadene. Det vert ikkje gjeve løyve til uteservering der slik drift vil vera til vesentleg sjenanse for nærmiljøet.

Ordinære skjenketider

Alkoholholdig drikke med lågare alkoholinnhald enn 22 volumprosent kan skjenkast -alle dagar i tida 0600 – 0200.

Alkoholholdig drikke med høgare alkoholinnhald enn 22 volumprosent kan skjenkast -alle dagar i tida 1300-0200.

Uteservering av alkoholholdig drikke med lågare alkoholinnhald enn 22 volumprosent gjeld -alle dagar i tida 0600-0100.

Uteservering av alkoholholdig drikke med høgare alkoholinnhald enn 22 volumprosent gjeld -alle dagar i tida 1300-0100.

Utskjenka alkohol må ikkje konsumerast lenger enn 30 minutt etter at skjenketida er slutt, jf. serveringslova.

Det er ikkje tillate med musikk eller underhaldning med elektrisk anlegg/høgtalarar på område for uteservering

-etter kl. 22.00 i tida søndag til torsdag

-etter kl. 24.00 i tida fredag til laurdag

Det kan søkjast om dispensasjon frå dette punktet i samband med enkeltstående større musikkarrangement/festivalar. Musikk og underhaldning må innanfor tillatne tider ikkje vera slik at det er til vesentleg sjenanse for dei som bur eller held til ved området der uteservering skjer.

Nattklubløyve

Det kan gjevast utvida skjenketid

-til kl 0300 alle dagar for nattklubbar. Utvida skjenketid gjeld for all alkoholholdig drikke.

Ved tildeling av nattklubløyve skal det leggjast vekt på at skjenkestaden har eit kvalitativt godt konsept t.d. i høve levande musikk, at plasseringa og lokala er høveleg til føremålet, og at det heller ikkje ligg føre andre sterke argument som talar i mot slikt løyve.

Løyve til overnattingsstader

I tillegg til skjenking i tråd med ordinært skjenkeløyve jf. ovanfor, kan overnattingsstader skjenka alkoholholdig drikke med lågare alkoholinnhald enn 22 volumprosent til overnattingsgjester heile døgnet frå minibarar på romma.

Utvida skjenketid

Skjenkestader kan søkja om utvida skjenketid til kl 0300 ved særlege høve/arrangement.

Særlege høve/arrangement kan t.d. vera arrangement knytt til større festivalar, arrangement med ideelt føremål eller spesielle konsertar med nasjonale og internasjonale artistar. Utvida skjenketid kan gjevast for all alkoholholdig drikke.

Skjenkeløyve for eit særleg høve

Kommunalsjef for Helse, omsorg og beredskap har delegasjonsmynde til å gjera vedtak om skjenkeløyve for eit særleg høve, jf. Alkohollova.

Søknaden skal sendast inn på elektronisk skjema og vera administrasjonen i hende seinast 3 veker før arrangementet. På søknadsskjemaet vert søkjar informert om regelverket for skjenking for eit særleg høve. Søkjar pliktar å setja seg inn dette regelverket.

Søknaden vert sendt til politiet og NAV-Sosial for uttale.

Kontrollørane må få kopi av skjenkeløyve i god tid før arrangementet.

Skjenkeløyve må minimum innehalda følgjande informasjon;

- Namn på løyvehavar/styrar/avløysar, som må vera over 20 år.

- Namn og adresse på skjenkestaden.
- Eit særleg høve vert definert til å vera frå 1-10 dagar.
- Opplysningar om skjenketid, seinast til kl. 0200. Uteservering seinast kl. 0100.
- Fastsetjing av arealet det kan skjenkast på, inne og ev ute.
- Det kan berre gjevast skjenkeløyve til alkoholhaldig drikke med lågare alkoholinnhald enn 22 volumprosent.
- Det kan berre skjenkast alkoholhaldig drikke som er levert frå godkjent leverandør.
- Opplysning om kontrolltiltak.
- Skjenking skal skje frå bar eller bord.
- Avgift på kr 600,- SKAL vera betalt til Os kommune FØR arrangementet tek til. I motsett fall er løyvet ikkje gyldig.
- Løyvehavar/styrar er ansvarleg for at tydeleg rusa personar ikkje vert skjenka/overskjenka, at det ikkje vert nytta medbragt alkohol, at det ikkje vert skjenka til mindreårige og at skjenketida vert følgd.
- Ved brot på reglane/vilkåra, vil arrangøren få tilleggsgebyr på kr 7.000,-.

Ambulerande skjenkeløyve

Os kommune har 5 ambulerande skjenkeløyver for skjenking av alkoholhaldig drikk med lågare alkoholinnhald enn 22 volumprosent eller alkoholhaldig drikk med høgare alkoholinnhald enn 22 volumprosent jfr Alkohollova §4-5. Kommunalsjef for Helse, Omsorg og beredskap har fått delegert mynde til å gjera vedtak om ambulerande skjenkeløyve. Ambulerande skjenkeløyve kan berre gjevast til slutta lag. Søknad skal sendast inn på elektronisk skjema. Søkjar pliktar å setja seg inn i regelverket for ambulerande skjenkeløyve. Søknadsfrist er 14 dagar før arrangementet. I særskilte høve kan det gjerast unnatak for denne tidsfristen.

Kontrollørane må få kopi av skjenkeløyve i god tid før arrangementet.

Skjenkeløyve må minimum innehalda følgjande informasjon;

- Namn på løyvehavar/styrar/avløysar, som må vera over 20 år
- Namn og adresse på skjenkestaden
- Opplysningar om skjenketid, seinast til kl 0200. Uteservering seinast kl 01.00.
- Fastsetjing av arealet det kan skjenkast på, inne og evt ute
- Tal på gjester
- Det kan gjevast løyve berre for skjenking av alkoholhaldig drikke med lågare alkoholinnhald enn 22 volumprosent, eller løyve for skjenking av all alkoholhaldig drikke
- Opplysning om kontrolltiltak
- Det kan berre skjenkast alkoholhaldig drikke som er levert frå godkjent leverandør
- Skjenking skal skje frå bar eller bord
- Avgift, fastsett av departementet, på f.t. kr 340,- SKAL vera betalt til Os kommune FØR arrangementet tek til. I motsett fall er løyvet ikkje gyldig.
- Styrar er ansvarleg for at skjenketida vert følgd.
- Løyvehavar/styrar er ansvarleg for at tydeleg rusa personar ikkje vert skjenka/overskjenka, at det ikkje vert nytta medbragt alkohol, at det ikkje vert skjenka til mindreårige og at skjenketida vert følgd.
- Ved brot på reglane/vilkåra, vil arrangøren få tilleggsgebyr på kr 7.000,-.

Det skal ikkje gjevast ambulerande løyve til arrangement som er i regi av lag og organisasjonar der arrangementet er ope for born og ungdom under 18 år.

Kap 4 Retningslinjer for tildeling av salsløyver

Salsløyve for alkoholhaldig drikk med høgst 4,7% kan berre gjevast til daglegvarebutikkar som har eit vareutval og ein profil som opplevast som ordinær daglegvare av folk flest og der ein minimum finn eit rimeleg breitt utval av matvarer og andre nærings- og nytelsesmidlar, dyremat, vaske- og reingjeringsmidlar, toalett- og hygieneartiklar, etc.

Salsløyve for øl kan også gjevast til spesialforretningar som f.eks. ølutsal og kvalitetsmatforretningar.

Salstid på kvardagar er i tida 0800-2000.

Salstid for dagar før søn- og helgedagar og dagar før offentlege høgtidsdagar er i tida 0800-1800.

Denne innskrenkinga gjeld ikkje dagen før Kristi Himmelfartsdag, då sal kan skje i tida 0800-2000, jfr. Alkoholova §3-7.

Sal skal ikkje skje på søn- og helgedagar, 1.mai, 17. mai

Kap 5 Vilkår for alle løyver

Før søknaden vert avgjort skal det innhentast skriftleg uttaling frå sosialtenesta og frå Politiet. Det kan og innhentast uttaling frå skatte og avgiftsmyndigheitene.

Før løyve kan takast i bruk, må løyveharar senda inn følgjande dokumentasjonen til kommunen;

- Kopi av bruksløyve frå bygningsstyresmakt
- Kopi som viser at alle tilsette er registrert i arbeidstakarregisteret, at alle tilsette har lovlege arbeidskontraktar og at det er teikna lovpålagt yrkesskadeforsikring for dei tilsette

Det er eit vilkår for alle løyve at verksemda ikkje har uteståande fordringar som skattar og avgifter til kommunen eller anna offentleg etat

Det er eit vilkår for alle løyve at regelverket for godkjenning av løyveharar/styrrar/avløysar vert praktisert slik det går fram av rundskriv til Alkoholova.

Alle som får tildelt sals- og eller skjenkeløyve i Os skal i løpet av ein 4-års periode har delteke på Os kommune sine kurs om ansvarleg alkoholhandtering. Dette gjeld minimum styrrar og avløysar for løyvet.

Det vil ikkje verta tildelt skjenkeløyve til ein-prosents MC-klubbar, klubbar som sympatiserer med desse klubbane («prospects og hangarounds»), i lokalar som disponerast av slike klubbar eller til arrangement i slike klubbar sin regi uansett kvar slike arrangement skal avhaldas.

Kap. 6 Kontroll med sals- og skjenkestader

Skjenkekontrollar skal gjerast av to godkjente kontrollørar som saman kontrollerer skjenkestaden. Salskontroll kan utførast av ein godkjent kontrollør.

Variasjon i kontrollarbeidet vil bli vektlagt, og både opne og anonyme kontrollar vil skje. Kontrollen skal i tråd med Alkohollova leggje vekt på skjenking til tydeleg rusa person, aldersgrenser for gjester og personale, skjenketider, opningstider, forbod mot skjenking, skjenking utover løyvet sine grensar, plikt til å føre alkoholsvak og alkoholfri drikk, forbod mot reklame for alkohol, høve mellom tal på tilsette, tal på gjester og storleiken på lokalet, generell orden i lokalet, etc. Det skal også kontrollerast at Internkontrollsystemet er på plass på sals- og skjenkestaden.

Kontrollørane skal uhindra kunna utføra kontrollverksemda.

Kap. 7 Brot på alkoholova – sanksjonsreglar

Det er f.o.m 01.01.2016 innført nasjonale sanksjonsreglar for brot på alkoholova, reglar for tildeling av prikkar og inndragning av løyver ved overtreding av alkoholova, bestemmelser gitt i medhald av alkoholova, bestemmelsar i lov eller i medhald av lov som har samanheng med alkoholova sitt formål, eller plikter som følgjer av vilkår i løyvevedtaket.

Det skal tildelast prikkar etter eit fastsett system, og reglar for lengda og tidspunkt for inndragning, samt saksbehandlingsreglar er lik for alle kommunar.

Dersom løyvehavar i løpet av ein periode på to år er tildelt til saman 12 prikkar, skal kommunestyret inndra løyvet for eit tidsrom på ei veke. Dersom det i løpet av toårsperioden blir tildelt fleire enn 12 prikkar skal kommunestyret auka lengden på inndragninga tilsvarende.

Oppsummering av alkoholforskriftene §10-3 med oversikt over tal prikkar i forhold til type brot:

Antall prikkar som vert tildelt ved kvart regelbrot:

8 prikker

- Sal, utlevering eller skjenking til person som er under 18 år
- Brot på bistandsplikta
- Brot på kravet om forsvarleg drift
- Hindring av kontroll

4 prikker

- Sal, utlevering eller skjenking til person som er openbert påverka av rusmidlar
- Skjenking til person som er eller må antakast å bli openbert påverka av rusmidlar
- Brot på sals-, utleverings- og skjenketidsføresegnene
- Skjenking av alkoholhaldig drikk gruppe 3 (brennevin) til person mellom 18 og 20 år
- Brot på alderskrav til den som sel, utleverer eller skjenker alkoholhaldig drikk

2 prikker

- Det vert gjeve tilgang til lokalet til person som er openbert påverka av rusmidlar, eller løyvehavar sørgjer ikkje for at person som er openbart påverka av rusmidlar forlet staden

- Manglar ved løyveharar sitt internkontrollsystem
- Manglande levering av omsetjingsoppgåve innan fastsett frist
- Manglande betaling av løyvegebyr innan kommunen sin frist
- Brot på reglar om styrar og avløyssar
- Gjentatt diskriminering
- Gjentatt narkotikaomsetning på skjenkestaden

1 prikk

- Brot på reglene om alkoholfrie alternativ
- Brot på reglane om plassering av alkoholhaldig drikk på salsstad
- Brot på reglane om skjenkemengde for brennevin
- Brot på vilkår i vedtaket
- Konsum av medbrakt alkohol
- Gjester tek med alkohol ut av lokalet
- Brot på reklameforbodet
- Andre brot som vert omfatta av Alkohollova

Kommunestyret delegerer til rådmannen ansvaret for gjennomføringa av reaksjonar ved brot på retningslinene i kap7, jf. Alkohollova § 1-8 og Forskrift om endring i forskrift om omsetning av alkoholhaldig drikk mv § 10, 1-6.